

彊邛叢書



竹山詞目錄

賀新郎

五

沁園春

二

女冠子

二

大聖樂

解連環

永遇樂

花心動

金梭子

喜遷鶯

畫錦堂

水龍吟

瑞鶴仙

四

木蘭花慢

二

珍珠簾

高陽臺

三

春夏兩相期

念奴嬌

絳都春

聲聲慢

尾犯

滿江紅二

探芳信

梅花引

洞仙歌二

最高樓

祝英臺

風入松

解佩令

一翦梅二

糖多令

柳梢青

阮郎歸

金蕉葉

憶秦娥

謁金門三

菩薩蠻二

卜算子二

霜天曉角五

點絳脣二

昭君怨

如夢令

小重山二

白苧

蝶戀花

虞美人_二

南鄉子_二

步蟾宮_二

玉樓春

戀繡衾

浪淘沙_二

燕歸梁

步蟾宮

南鄉子

行香子

粉蝶兒

翠羽吟

賀新郎_三

摸魚子

沁園春

喜遷鶯_二

齊天樂

念奴嬌

應天長

賀新郎

玉漏遲

二

高陽臺

探春令

秋夜雨

四

少年游

二

柳梢青

霜天曉角

竹山詞

義興 蔣捷 勝欲

賀新郎 秋曉

渺渺啼鴉了。互魚天、寒生峭嶼。五湖秋曉。竹几一鐙人。
做夢嘶馬誰行。古道起搔首。窺星多少。月有微黃籬無
影。挂牽牛數朶。靑花小。秋太淡。添紅棗。愁痕倚賴。西
風掃被。西風翻催鬢鬢與秋俱老。舊院隔霜簾不捲。金
粉屏邊。醉倒計無此。中年懷抱。萬里江南。吹簫恨恨參
差白。雁橫天杪。煙未斂。楚山杳。

又約友三月旦飲

雁嶼晴嵐薄。倚層屏、千樹高低。粉纖紅弱。雲隘東風藏。

不盡吹豔生香萬壑又散入汀蘅洲藥擾擾恩恩塵土
面看歌鶯舞燕逢春樂人共物知誰錯寶釵樓上圍
簾幕小嬋娟雙調彈箏半霄鸞鶴我輩中人無此分琴
思詩情當卻也勝似愁橫眉角芳景三分纔過二便綠
陰門巷楊花落沾斗酒且同酌

又吳江

浪湧孤亭起是當年蓬萊頂上海風飄墜帝遣江神長
守護八柱蛟龍纏尾鬬吐出寒煙寒雨昨夜鯨翻坤軸
動捲雕甍擲向虛空裏但留得絳虹住五湖有客扁
舟艤怕羣仙重游到此翠旌難駐手拍闌干呼白鷺爲
我殷勤寄語奈鷺也驚飛沙渚星月一天雲萬壑覽茫

茫宇宙知何處鼓雙檝浩歌去

又

夢冷黃金屋歎秦箏斜鴻陣裏素絃塵撲化作嬌鶯飛
歸去猶認紗窗舊綠正過雨荆桃如菽此恨難平君知
否似瓊臺湧起彈棋局消瘦影嫌明燭鴛樓碎瀉東
西玉問芳悰何時再展翠釵難卜待把宮眉橫雲樣描
上生綃畫幅怕不是新來妝束綵扇紅牙今都在恨無
人解聽開元曲空掩袖倚寒竹

又兵後寓吳

深閣簾垂繡記家人輕語鐙邊笑渦紅透萬疊城頭哀
怨角吹落霜花滿袖影斲伴東奔西走望斷鄉關知何

處羨寒鴉到著黃昏後一點點歸楊柳相看只有山
如舊歎浮雲本是無心也成蒼狗明日枯荷包冷飯又
過前頭小阜趁未發且嘗村酒醉探枵囊毛錐在問鄰
翁要寫牛經否翁不應但搖手

沁園春爲老人書南堂壁

老子平生辛勤幾年始有此廬也學那陶潛籬栽些菊
依他杜甫園種些蔬除了雕梁肯容紫燕誰管門前長
者車怪近日把一庭明月卻借伊渠鬢邊白雪紛如
又何苦招賓納客歎但夏榻宵眠面風敲枕冬檐晝短
背日觀書若有人尋只教僅道這屋主人今自居休羨
彼有搖金寶轡織翠華裾

又次強雲卿韻

結算平生風流債負請一筆句蓋攻性之兵花圍錦陣
毒身之鳩笑齒歌喉豈識吾儒道中樂地絕勝珠簾十
里樓迷因底歎晴乾不去待雨淋頭休休著甚來由
硬鐵漢從來氣食牛但只有千篇好詩好曲都無半點
閒悶閒愁自古嬌波溺人多矣試問還能溺我不高擡
眼看牽絲傀儡誰弄誰收

女冠子元夕

蕙花香也雪晴池館如畫春風飛到寶釵樓上一片笙
簫琉璃光射而今鐙漫挂不是暗塵明月那時元夜況
年來心嬾意怯羞與蛾兒爭耍江城人悄初更打問

繁華誰解再向天公借
剔殘紅
燭但夢裏隱隱鈿車羅
帕吳牋銀粉
砌待把舊家風景寫成閒話
笑綠鬢鄰女
倚窗猶唱夕陽西下

又競渡

電旂飛舞雙雙還又爭渡
湘灘雲外獨醒何在翠葯紅
蘅芳菲如故深衷全未語
不似素車白馬捲潮起怒
但悄然千載舊迹時有閒人
弔古生平慣受椒蘭苦甚
魄沈寒浪更被饞蛟妒
結瓊紉璐料貝闕隱隱騎鯨煙
霧楚妃花倚暮
□□瓊簫吹了泝波同步待月明洲渚
小留旌節朗吟騷賦

大聖樂陶成之生日

笙月涼邊翠翹雙舞壽仙曲破更聽得豔拍流星慢唱
壽詞初了羣唱蓮歌主翁樓中披鶴氅展一笑微微紅
透渦襟懷好縱炎官駐繖長是春和 千年鼻祖事業
記曾趁雷聲飛快梭但也會三徑撫松採菊隨分吟哦
富貴雲浮榮華風過淡處還他滋味多休辭飲有碧荷
貯酒深似金荷

解連環 岳園牡丹

妒花風惡吹青陰漲卻亂紅池閣駐媚景別有仙葩徧
瓊甃小臺翠油疏箔舊日天香記曾繞玉奴絃索自長
安路遠膩紫肥黃但譜東洛 天津霽虹似昨聽鶉聲
度月春又寥寞散豔魄飛入江南轉湖渺山茫夢境難

託萬疊花愁正困倚鉤闌斜角待攜尊醉歌醉舞勸花
自樂

永遇樂綠陰

清逼池亭潤侵山閣雲氣凝聚未有蟬前已無蝶後花
事隨逝水西園支徑今朝重到半礙醉筇吟袂除非是
鶯身瘦小暗中引雛穿去梅檐溜滴風來吹斷放得
斜陽一縷玉子敲枰香綃落翦聲度深幾許層層離恨
淒迷如此點破漫煩輕絮應難認爭春舊館倚紅杏處
花心動南塘元夕

春入南塘粉梅花盈盈倚風微笑虹暈貫簾星毳攢蒼
徧地寶光交照湧金門外樓臺影參差浸西湖波渺暮

天遠芙蓉萬朶是誰移到
鬢鬢雙仙未老陪玳席佳
賓暖香雲繞翠簷叩冰銀管
噓霜瑞露滿鍾頻醺醉歸
深院重歌舞瑠盤轉珍珠紅
小鳳洲柳絲絲淡煙弄曉
金縠子

練月縈窗夢乍醒黃花翠竹
庭館心字夜香消入孤弓
雙鷗被池羞看擬待告訴
天公減秋聲一半無情雁正
用恁時飛來叫雲尋伴
猶記杏櫳暖銀燭下纖影卸
佩款春渦暈紅豆小鶯衣嫩
珠痕淡印芳汗自從信誤
青鸞想籠鶯停喚風刀快翦
盡畫檐梧桐怎翦愁斷
喜遷鶯暮春

游絲纖弱漫著意絆春春難
憑託水暖成紋雲晴生影

雙燕又窺簾幕露添牡丹新豔風擺鞦韆閒索對此景
動高歌一曲何妨行樂行樂春正好無柰綠窗孤負
敲棋約錦幄調笙銀餅索酒爭奈也曾迷著自從髮凋
心倦常倚鉤闌斜角翠深處看悠悠幾點楊花飛落
畫錦堂荷花

染柳煙消敲菰雨斷歷歷猶寄斜陽掩冉玉妃芳袂擁
出靈場倩他鴛鴦來寄語駐君舴艋亦何妨漁榔靜獨
奏櫓歌邀妃試酌清觴湖上雲漸暝秋浩蕩鮮風支
盡蟬糧贈我非環非佩萬斛生香半蝸茅屋歸吹影數
螺苔石壓波光鴛鴦笑何似且留雙楫翠隱紅藏
水龍吟效稼軒體招落梅之魂

醉兮瓊瀝浮觴些招兮遣巫陽些君毋去此颶風將起
天微黃些野馬塵埃汗君楚楚白霓裳些駕空兮雲浪
茫洋東下流君往他方些月滿兮西廂些叫雲兮笛
淒涼些歸來爲我重倚蛟背寒鱗蒼些俯視春紅浩然
一笑吐山香些翠禽兮弄曉招君未至我心傷些

瑞鶴仙紅葉

縞霜霏霽雪漸翠沒涼痕猩浮寒血山窗夢淒切短吟
筇猶倚鶯邊新樾花魂未歇似追惜芳消豔滅挽西風
再入柔柯誤染紺雲成纈休說深題錦翰淺泛瓊漪
暗春曾泄情條萬結依然是未愁絕最憐他南苑空階
堆徧人隔仙蓬怨別鎖芙蓉小殿秋深碎蟲訴月

又鄉城見月

紺煙迷雁迹，漸斷鼓零鐘。街喧初息，風檠背寒壁。放冰
蜍飛到，絲絲簾隙。瓊瑰暗泣。念鄉關、霜蕪似織。漫將身
化鶴歸來，忘卻舊游端的。歡極蓬壺，葉浸花院，梨溶
醉連春夕。柯雲罷弈，櫻桃在夢，難覓勸清光，乍可幽窗
相伴。休照紅樓夜笛。怕人間換譜伊涼。素娥未識。

又壽東軒立冬前一日

玉霜生穗也。渺洲雲翠痕，雁繩低也。層簾四垂也。錦堂
寒早，近開鑪時也。香風遞也。是東籬、花深處也。料此花
伴我仙翁，未肯放秋歸也。嬉也。縉波穩舫，鏡月危樓
酌瓊醑也。籠鶯睡也。紅妝旋舞衣也。待紗燈客散，紗窗